

DEPORTE

BON DIA



DEPORTE

**Resultado di
e weganan di
Copa Andruw
Jones**

C/4

DEPORTE

**Alberto Klaber
di Brazil
Taekwondo
Dojang
invita na
presentacion
oficial**

C/7

INTERNACIONAL

**Streanan
a invadi
fiestanan di
inauguracion**

C/12

LATINO

**Reina
Sofía visita
programas
educativos
españoles en
Dominicana**

C/9

SKA a presenta “Weganan di Reino 2009”



O R A N J E S T A D - Recientemente Stichting Koninkrijksspel Aruba a yama un conferencia di

prensa na unda oficialmente a presenta e Weganan di Reino 2009, cu lo tuma lugar den luna di juli proximo na

Aruba. Presidente di SKA, Sra. Shailini Tromp – Lee a hiba palabra na unda su persona a duna un splicacion

breve di e historia di e Weganan di Reino.

Historia

Na aña 1966 a organiza e prome Weganan di Reino, entre Hulanda, Antillas y Surnam, na unda cu na aña 1975 a interumpi esaki, despues di e independencia di e colonia di Surnam. Na aña 1979 a reanuda cu e Weganan di Reino, esaki te cu 1983, na unda Hulanda y Antillas so tabata participa. Tabata 15 december 1994, pues despues di un ausencia di mas di 11 aña cu a tuma e decision pa reanuda e weganan di reino, un biaha

Sigui lesa C/2

BON DIA *Aruba*
www.bondia.com

• Deporte • Social • Suceso • Cultural



Continuacion di C/1

mas. E biaha aki Hulanda, Antiyas y Aruba. Mester bisa cu desde juli '95 te cu awor aki, e weganan di reino a keda vigente.

Meta y vision

E meta pa cual e Weganan di Reino a ser organiza tambe a ser devela na esnan presente, a menciona diferente punto. E puntonan a sali for di principio pa stimula e desaroyo deportivo den e sentido mas amplio di palabra na Aruba y Antillas bou di e hubentud. e puntonan tabata;

- Desaroya comprendemento mutuo entre e hobennan Antillano, Arubiano y Hulandes cu mester bira e base pa respet mutuo, baloracion y solidaridad.
- Organiza Weganan di Reino un bes cada dos aña.
- Un siman di competencia.
- Dirigi riba e hubentud entre 12 te cu 17 aña.
- Un programa di algun ramo di deporte.
- Un delegacion di alrededor di 130 persona.
- Ciclo di 6 aña.
- Desaroyo y estimulacion di deporte ta e punto di salida.
- Actividad cultural ta adicional.

Structura Organizatorio

E structura organizatorio di Weganan di Reino ta consisti di e tres partnernan den Reino, esta Hulanda, Antiyas y Aruba, De Stichting Koninkrijksspelen voor de jeugd, esaki nan ta yama de Stuurgroep, cu tin representantenan di tur tres pais den dje y por ultimo un Comité Organisatorio, kendenan lo mester percursa pa organisa e Weganan di Reino.

Awor scematicamente nos ta presenta e organisacion y nan tarea cu ta como lo siguiente:

E Stuurgroep lo tin como tarea principal stipula y registra e cuadro y e condicion-nan pa WdR den un handvest. Alavez tin cu percursa cu e organizacion y realizacion di e weganan ta conforme e handvest y otro palabracionnan oficial. Pais cu ta organisa WdR/comite organisatorio mester ta responsabel pa organisa e weganan y percursa pa e Weganan ta exitoso segun ta stipula pa e handvest di Stuurgroep. Uitzendende Organisatie ta responsabel pa e preparacion, seleccion y biahe di henter e delegacion di nan pais pa e WdR. Directiva di e Stuurgroep ta consisti di un representante di sport y un representante di gobierno di cada partner den Reino; E comisionnan cu ta forma parti di SKA y



Sigui lesa C/3

Mas di Weganan di Reino



Continuacion di C/2

kendenan lo tin e diferente tareanan den henter e proceso prome y durante di e Weganan di Reino ta Comision Tecnico (CT), Comite Organisatorio (OC), Comision Medico (CM), Chef de Mission y un asistente, Federacionnan: Persona di contacto y un Headcoach Comisionnan Miembronan di Comision Tecnico ta Candido Tromp, Juvenal Navas, Andy Gomez, Maximo Wernet, Hubert Solagnier y Seever Krozendijk. Miembronan di Comision Medico ta dr. Guaica Jimenez,

Marlon Maduro, Mike Goeloe y Viviana, Vanessa Tromp Miembronan di Comision Organisatorio; Patrick Werleman, Wladimir Wolff, Gisela de Cuba, Wendell Larmonie, Norman Browne, Renny Lacle, Jerry Gomez, Jessy Beukeboom y Shailini Tromp. Chef di Mision pa cu e weganan di reino 2009 lo ta sr. Geoffrey Ho Asjoe. E persona di contacto y headcoach di cada federacion participando na e Weganan di Reino 2009 lo ta pa: Baseball : PC Kenneth Bikker, HC Tony Rombley Taekwondo : PC Moises Fernandez, HC Carlos

Hernandez y Emile Barry Synchro : PC Stella Leslie, HC Alba Torres Landamento : PC Ronald van den Berg, HC Ismael Santiesteban Softball : PC Carmelita Haynes, HC Lionell Richardson Futbol : PC Janchi Croes, HC Marcelo Muñoz Atletismo : PC David Leslie, HC pendiente Facilidatnan deportivo Durante di e Weganan di reino na Aruba den luna di juli proximo diferente facilidad deportivo lo ser usa pa un of mas deporte, esakinan lo ta Stadion Guillermo Prospero Trinidad pa e deportenan di futbol y atletismo, Compleho



Deportivo Betico Croes lo ser usa pa e deporte di Taekwondo, e Pisina Olimpico Roly Bislick lo ser usa pa e deportenan di Synchro y Landamento mientras e facilidad di Dragon Hitters na Barcadera lo ser usa pa e deporte di Softball. Dos punto, remarcabel ta, cu, pa e deporte di baseball ainda no tin un facilidad deportivo y tambe

e stadion di Centro Deportivo Frans Figaroa na Noord no lo ser usa durante di e Weganan di Reino 2009. Pa loke ta e facilidad pa e deporte di baseball, nos a bin compronde cu pronto lo cuminsa renoba e tereno di Winston Veld na Sta Cruz ya cu segun Minister Lee, ASU no lo kier laga Gobierna drecha Joe Laveist Ballpark.

Logo y Jingle

Mester bisa cu tur presente a keda masha encanta cu e diseño di e logo y jingle pa cu e Weganan di Reino 2009. E logo pa Weganan di Reino 2009 a ser diseña pa sr. Juan Torres, mientras cu e Jingle pa Weganan di reino 2009 a ser composita pa Chucho Hoek, aregla pa Chucho Hoek y Hilward Croes y e canto a bini di e artista Michel Almary. Y por ultimo, e promo pa Weganan di Reino 2009, cu tambe a ser traha pa sr. Juan Torres.

Den e simannan benidero nos lo tende mas di e preparacionnan rond di e Weganan di Reino 2009. Di aki banda nos kier a desea tur federacion y nan atletanan tur clase di exito den Weganan di Reino 2009.

